

3. april 2003

UPA 2003/26-2

## Allannguutissatutsiunnersuut

uunga

### **Meeqqanik inuusuttunillu ikiorsiisarneq pillugu Inatsisartut peqqussutissaattut siunnersuut.**

Ilaqutariinnermut Peqqissutsimullu Naalakkersuisumit aappassaaneerinninnermut saqqummiunneqartoq.

#### § 1

**1. § 5, imm. 1** ima oqaasertaqassaaq:

"§ 5. Kinaluunniit meeqqamik peqqissutsimigut ineriartormigulluunniit navianartorsiortinneqarluni atugaqartinneqartumik paasisaqaruni kommunalbestyrelsimut nalunaaruteqarnissaminik pisussaaffeqarpoq"

**2. § 9, imm. 1** ima oqaasertaqassaaq:

"§ 9. Angajoqqaatut oqartussaassuseqartoq aamma meeraq 15-ileereersimasoq akuersiseqqaarlugit ikiorsiissutissaq meeqqap immikkut pisariaqartitsineranut naleqqunnerpaaq kommunalbestyrelsip toqqassavaa."

**3. § 10, imm. 2** ima oqaasertaqassaaq:

"Imm. 2. Imm. 1 tunngavigalugu taamaallaat aalajangiisoqarsinnaavoq tunngavissalimmik ilimanaateqarpat ajornartorsiutit meeqqap angerlarsimaffimminiiginnarnerani anigorneqarsinnaanngitsut."

**4. § 14, imm. 2** ima oqaasertaqassaaq:

"Imm. 2. Kommunalborgstyrelsi naliliissaaq suliniutit allat ima annertutiginersut iliuusissanik pilersaarussiaq suliarineqartariaqarluni. Angajoqqaat imaluunniit meeraq iliuusissanik pilersaarummik kissaateqarpat, kommunalborgstyrelsi pisussaavoq taamaattumik suliaqassalluni."

**5. § 28, imm. 3** ima oqaasertaqassaaq:

"Imm. 3. Ulloq unnuarlu paaqqinniffimmit imaluunniit ilaqutariinnit inuussutissarsiutigalugu paarsisartunit oqaaseqaateqarnermi kommunalborgstyrelsip aalajangiunniagaa assortorneqarpat, suliaq § 34 malillugu Meeqqat pillugit

paasisimasalittut qitiusumik ataatsimiititamut oqaaseqarfigisassanngortinneqassaaq."

6. § 34, *imm. 1* ima oqaasertaqassaaq:

"§ 34. Meeqqat pillugit paasisimasalittut qitiusumik ataatsimiititami ilaasortaapput inatsisileritooq, tarnip pissusiinik ilisimasalik, isumaginninnermi siunnersorti, isumaginninnermi perorsaasoq, ilinniartitsisoq aamma meeqqerisoq, tamarmik meeqqat inuusuttullu pisariaqartitaannik immikkut ittumik ilisimasaqartussat."

7. § 34, *imm. 4* ima oqaasertaqassaaq:

"*Imm. 4.* Ataatsimiititap suliassaraa meeqqap ulloq unnuarlu paaqqinniffimmit aamma ilaqutariinnik inuussutissarsiutigalugu paarsisartunit angerlartinneqarneranut atatillugu § 28, *imm. 3* naapertorlugu suliani oqaaseqaateqarnissaq."

8. § 39 ima oqaasertaqassaaq:

"§ 39. § 6, *imm. 3*, §§ 9-10, § 17, § 29 aamma § 38 malillugit aalajangiinerit isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni aalajangersakkat tunngavigalugit Isumaginninnermut Naammagittaalliuuteqartarfimmut naammagittaalliuutigineqarsinnaapput."

## Nassuiaatit

Nr. 1-imut

Kalaallisuuani oqaasertatigut erseqqissaasoqarpoq.

Nr. 2-mut

Peqqussutissatut siunnersuutip qallunaatuuani oqaasertatigut iluarsineq pineqarpoq.

Nr. 3-mut

Siunnersuutaasimasumi § 10, *imm. 1*, nr.1 kisimi innersuussutigineqarpoq, Naalakkersuisut isumaqarsimammata nr. 2-4-mi piumasaqaatit allassimasut ima sakkortutigisut meeqqap peqqissusaata aamma/imaluunniit ineriartornerata ajoquserujussuarneqaratarsinnaanerata ersarilluinnartuassalluni.

Taamaakkaluartoq Inatsisartut Inatsisissanik Nalilersuisarfiat isumaqarpoq siunnersuutaqqaartumi oqaasertaliineq paaatsoorneqarsinnaasoq, taamaattumillu Naalakkersuisut kissaatigisimavaat pin-ngitsaaliilluni iliuuseqannginnermi

soorunami meeqqap peqqissusiata ineriartorneratalu ajoquserneqaratarsinnaanera ersarilluinnartuassasoq.

#### Nr. 4-mut

Qallunaatuuani qqaasertaasa iluarsineqarnerat pineqarpoq.

#### Nr. 5-imut

Ataatsimiititaliami oqaluserinninnermi Ilaqutariinnermut Peqqissutsimullu Ataatsimiititaliap ilaqutariit inuussutissarsiutigalugu paarsisartut kommunalbestyrelsimik isumaqatigiinngissutiminnik Meeqqat pillugit paasisimasalittut qitiusumik ataatsimiititamut saqqummiussinissamut aamma periarfissaqarnissaasa iluaqutaasinnaanera maluginiaqqusimavaa.

#### Nr. 6-imut

Meeqqat pillugit paasisimasalittut qitiusumik ataatsimiititamut aamma ilinniartitsisumik toqqaanissamik kissaatip malinneqarnissaa Naalakkersuisut kissaatigisimavaat.

Ilinniartitsisoq meeqqat inuunerannik immikkut paasisimasaqarlunilu ilisimasaqartuusorinarpoq, taamaattumillu ataatsimiititaliap suliat akimorlugit ingerlasuuneranik erseqqissaataassalluni.

#### Nr. 7-mut

§ 28, imm. 3-mi allannguutip kingunerisaanik Meeqqat pillugit paasisimasalittut qitiusumik ataatsimiititaliap suliaasaanut aamma ilanngunneqassapput ilaqutariit inuussutissarsiutigalugu paarsisartut.

#### Nr. 8-mut

Soorunami Naalakkersuisut siunertaraat meeqqanik angajoqqaavi akuersiseqqaarnagit misissuinissamut aalajangiinerit naammagittaalliuutigineqarsinnaanissaat. Tamatuma kingunerisaanik § 6, imm. 3 naammagittaalliorsinnaanermut aalajangersakkamut ilanngunneqarpoq.